



**ИНД - 171**

Иргэний Нисэхийн Дүрэм

**Нисэхийн холбоо, навигацийн үйлчилгээний байгууллагын  
гэрчилгээжүүлэлт**

Иргэний нисэхийн ерөнхий газар

## **ДҮРМИЙН ТАЙЛБАР**

ИНД-171 нь нисэхийн холбоо, навигацийн үйлчилгээ, байгууламжийн үйл ажиллагааны болон техникийн стандарт болон IFR-ийн нислэгт, эсхүл НХҮ-нд дэмжлэг үзүүлдэг нисэхийн холбоо, навигацийн үйлчилгээний байгууллагын гэрчилгээжүүлэлт, үйл ажиллагааны зохицуулалтыг тогтооно.

**Энэ Дүрэм нь Иргэний нисэхийн асуудал эрхэлсэн Засгийн газрын гишүүний баталсан ИНД-171-ийн цахим хувилбар бөгөөд зөвхөн ишлэл хийх зорилгоор хэрэглэнэ. Хүчин төгөлдөр ИНД-171, түүний нэмэлт, өөрчлөлтийн хуулбарыг ИНЕГ-аас, эсхүл [www.mcaa.gov.mn](http://www.mcaa.gov.mn) веб сайтаас татаж авах боломжтой.**

**Мэдээлэл**

Гишүүн улсуудын иргэний нисэхийн Дүрмийг сайжруулах замаар иргэний нисэхийн салбарт нэгдсэн нэг Дүрмийн зохицуулалтад шилжих Олон улсын иргэний нисэхийн байгууллагын 1992 оны 29-р чуулганы А29-3 тогтоолыг хэрэгжүүлэх зорилгоор, Монгол Улс болон Шинэ Зеланд улсын ИНЕГ-ын хооронд 1999 оны 5 дугаар сарын 6-нд байгуулсан “Техникийн Хамтын Ажиллагааны Санамж Бичиг”-ийг үндэслэн Монгол Улсын Иргэний нисэхийн дүрмийг боловсруулсан.

**Өөрчлөлтийн түүх****Хүчинтэй огноо**

Анхны боловсруулалт

2002 оны 12 сарын 20

Нэмэлт, өөрчлөлт 1

2010 оны 03 сарын 22

Нэмэлт, өөрчлөлт 2 (Шинэчлэлт)

2019 оны ... сарын ...

**Тэмдэглэл:** ИНД-171-ийн шинэчлэлтийг монгол болон англи хэл дээр, NZ Part 171-ийн 2017 оны 03 сарын 10-ны А.5-д үндэслэн боловсруулсан болно.

## Гарчиг

<b>А бүлэг - Ерөнхий зүйл</b> .....	<b>1</b>
171.1. Зорилго .....	1
171.3. Нэр томъёо ба товчлол.....	1
171.5. Гэрчилгээний шаардлага.....	1
171.7. Гэрчилгээ эзэмших хүсэлт гаргах .....	2
171.9. Гэрчилгээ олгох.....	2
171.11. Гэрчилгээ эзэмшигчийн эрх.....	3
171.13. Гэрчилгээний хугацаа .....	3
171.15. Гэрчилгээ сунгах .....	3
171.17. Таних тэмдэг болон дуудлага .....	4
171.19. Нисэхийн байгууламжийн мэдээллийг хүргүүлэх .....	4
171.21. Нисэхийн байгууламжийн өгсөн мэдээлэл.....	4
<b>В Бүлэг - Гэрчилгээжүүлэлтийн шаардлага</b> .....	<b>5</b>
171.51. Ажилтанд тавих шаардлага .....	5
171.53. Нисэхийн байгууламжийн шаардлага.....	6
171.55. Аюулгүйн хамгаалалтын хөтөлбөр .....	7
171.57. Баримт бичиг .....	8
171.59. Хуваарьт үзлэг шалгалт болон тест хийх.....	8
171.61. Нисэхийн байгууламжийн үзүүлэлт .....	9
171.63. Үзлэг шалгалт, хэмжилт болон тестийн төхөөрөмж .....	10
171.65. Нисэхийн байгууламжийн мэдээллийг зарлах.....	10
171.67. Осол, зөрчлийн дараа нисэхийн байгууламжийг шалгах.....	11
171.69. Байгууламжийн доголдлын зөрчил.....	11
171.71. Бүртгэл.....	11
171.73. Аюулгүй байдлын удирдлага .....	12
171.75. Холбооны журам .....	12
171.77. Байгууллагын Ерөнхий заавар.....	13
<b>С Бүлэг - Үйл ажиллагааны шаардлага</b> .....	<b>15</b>
171.101. Байнгын хэрэгжилт.....	15
171.103. Нөөц.....	15
171.105. Нөөц.....	15
171.107. Үйл ажиллагааны болон техник үйлчилгээний заавар.....	15
171.109. Дүрмийн шаардлагаас хазайх.....	16
171.111. Нисэхийн түр байгууламж .....	16
171.113. Гэрчилгээ эзэмшигчид тавих хязгаарлалт .....	16
171.115. Гэрчилгээ эзэмшигч байгууллагын өөрчлөлт.....	17
<b>Д Бүлэг - Байгууламжийн техникийн тодорхойлолт болон шаардлага</b> .....	<b>18</b>
171.201. Нэмэлт техникийн тодорхойлолт болон шаардлага.....	18
<b>Е Бүлэг - Шилжилтийн зохицуулалт</b> .....	<b>19</b>
171.251. Нисэхийн холбоо, навигацийн үйлчилгээний байгууллагын гэрчилгээ эзэмшигч болон хүсэлт гаргагчийн шилжилт .....	19
171.253. Нисэхийн холбоо, навигацийн үйлчилгээний байгууллагын гэрчилгээ эзэмшигч болон хүсэлт гаргагчийн шилжилтийн дотоод чанар баталгаажуулалт ....	20

## А бүлэг - Ерөнхий зүйл

### 171.1. Зорилго

Энэ Дүрэм нь дараах зохицуулалтын шаардлагыг тогтооно:

- (1) нисэхийн холбоо, навигацийн үйлчилгээний болон байгууламжийн үйл ажиллагааны болон техникийн стандарт;
- (2) IFR-ийн нислэгт, эсхүл НХҮ-нд дэмжлэг үзүүлдэг нисэхийн холбоо, навигацийн үйлчилгээний байгууллагын гэрчилгээжүүлэлтийн болон үйл ажиллагааны зохицуулалт.

### 171.3. Нэр томьёо ба товчлол

Энэ Дүрэмтэй холбоотой нэр томьёо болон товчлол нь ИНД-ийн нэр томьёоны тайлбарт багтсан.

### 171.5. Гэрчилгээний шаардлага

(a) Энэ зүйлийн (b) болон (c)-д зааснаас бусад тохиолдолд, аливаа этгээд нисэхийн холбоо, навигацийн үйлчилгээний байгууллагын (цаашид “НХНҮ-ний байгууллага” гэх) гэрчилгээний эрх болон нөхцөлд заагаагүй нисэхийн холбоо, навигацийн үйлчилгээ үзүүлэх, эсхүл нисэхийн байгууламж ажиллуулж болохгүй.

(b) Энэ зүйлийн (a) нь нисэхийн радио давтамж дээр дараах шаардлагыг ханган нисэхийн байгууламж ажиллуулдаг этгээдэд хамаарахгүй, хэрэв:

- (1) тухайн нисэхийн байгууламж нь:
  - (i) НХҮ-нд дэмжлэг үзүүлдэггүй радио холбооны дамжуулагч бол; эсхүл
  - (ii) IFR-ийн нислэг, эсхүл НХҮ-нд дэмжлэг үзүүлдэггүй радио навигацийн туслах хэрэгсэл бол;
- (2) тухайн нисэхийн байгууламж нь:
  - (i) ICAO-гийн Хавсралт 10, Volume III, Part II, Chapter 2, эсхүл Хавсралт 10, Volume I, Chapter 3-д заасан холбогдох системийн үзүүлэлтийн дагуу ажилладаг бол;
  - (ii) ICAO-гийн Хавсралт 10, Volume II-т заасан холбогдох холбооны журмын дагуу ажилладаг бол;
- (3) тухайн нисэхийн байгууламж нь бусад нисэхийн холбоо, навигацийн үйлчилгээ, эсхүл нисэхийн байгууламжид нөлөөлдөггүй бол;
- (4) Харилцаа холбооны зохицуулах хорооны дарга тухайн нисэхийн байгууламжид радио төхөөрөмж ашиглах эрх олгосон бол;
- (5) тухайн нисэхийн байгууламжид 171.17-гийн дагуу таних код, эсхүл дуудлага олгосон бол.

(с) Энэ зүйлийн (а) нь нисэхийн радио давтамж дээр газрын хөдөлгөөнт радиог дараах шаардлагыг ханган ажиллуулдаг этгээдэд хамаарахгүй, хэрэв:

- (1) тухайн радио холбооны төхөөрөмжийг НХҮ-д дэмжлэг үзүүлэхэд ашигладаггүй бол;
- (2) тухайн радио нь ICAO-гийн Хавсралт 10, Volume II-т заасан холбогдох холбооны журмын дагуу ажилладаг бол;
- (3) тухайн радио дамжуулалт нь бусад нисэхийн холбоо, навигацийн үйлчилгээ, эсхүл нисэхийн байгууламжид нөлөөлдөггүй бол;
- (4) Харилцаа холбооны зохицуулах хорооны дарга тухайн радио төхөөрөмж ашиглах эрх олгосон бол.

#### **171.7. Гэрчилгээ эзэмших хүсэлт гаргах**

НХНҮ-ний байгууллагын гэрчилгээ эзэмших хүсэлт гаргагч нь САА 24171/01 маягтыг бөглөж, дараах баримтын хамт Даргад хүргүүлэх үүрэгтэй:

- (1) хүсэлт гаргагчийн Ерөнхий заавар;
- (2) хэрэв хамааралтай бол, 171.17-д шаардсан таних код, эсхүл дуудлага авах хүсэлт;
- (3) хэрэв хамааралтай бол, зохих төлбөрийн баримтын хураамж.

#### **171.9. Гэрчилгээ олгох**

Хэрэв Дарга дараах шаардлагыг хангасан гэж үзвэл, хүсэлт гаргагчид энэ Дүрмийн дагуу НХНҮ-ний байгууллагын гэрчилгээг олгох үүрэгтэй:

- (1) хүсэлт гаргагч нь В Бүлгийн шаардлага хангасан байх;
- (2) хүсэлт гаргагч болон 171.51(а)(1) болон (2)-ын дагуу шаардсан удирдах ажилтан, эсхүл удирдах ажилтнууд нь тохирох зөв хүн байх;
- (3) гэрчилгээ олгосноор нисэхийн аюулгүй байдлын ашиг сонирхолд харшлахгүй байх.

### **171.11. Гэрчилгээ эзэмшигчийн эрх**

(a) НХНҮ-ний байгууллагын гэрчилгээнд, тухайн гэрчилгээ эзэмшигчийг IFR-ийн нислэг, эсхүл НХҮ-д дэмжлэг үзүүлж ажиллахыг зөвшөөрсөн нисэхийн холбоо, навигацыйн үйлчилгээ болон нисэхийн байгууламжийн төрлийг заана.

(b) Энэ Дүрмийн 171.113-ыг харгалзан, НХНҮ-ний байгууллагын гэрчилгээ эзэмшигч нь тухайн гэрчилгээнд заасан нисэхийн байгууламжийн төрлийг дараах тохиолдолд ажиллуулж болно:

- (1) ажиллуулж байгаа нисэхийн байгууламж бүр нь гэрчилгээ эзэмшигчийн Ерөнхий зааварт заагдсан; эсхүл
- (2) хэрэв тухайн нисэхийн байгууламж нь Ерөнхий зааварт заагдаагүй бол, түүний үйл ажиллагааг талбайн тест (site test) хийх зорилгоор 171.53(b)-д шаардсан журмаар хянадаг байх.

### **171.13. Гэрчилгээний хугацаа**

(a) НХНҮ-ний байгууллагын гэрчилгээг 5 жил хүртэл хугацаагаар олгож, эсхүл сунгаж болно.

(b) НХНҮ-ний байгууллагын гэрчилгээ нь түүний хугацаа дууссан, түдгэлзүүлсэн, эсхүл хүчингүй болгосноос бусад тохиолдолд хүчинтэй хэвээр байна.

(c) НХНҮ-ний байгууллагын гэрчилгээ эзэмшигч нь гэрчилгээний хугацаа дууссан, эсхүл хүчингүй болсон бол Даргад нэн даруй хураалгана.

(d) Гэрчилгээг түдгэлзүүлсэн бол НХНҮ-ний байгууллагын гэрчилгээ эзэмшигч нь зохих баталгаажуулсан бичилт хийлгэхээр гэрчилгээг Даргад нэн даруй хүргүүлнэ.

### **171.15. Гэрчилгээ сунгах**

(a) НХНҮ-ний байгууллагын гэрчилгээ сунгуулах хүсэлтийг САА 24171/01маягтын дагуу гаргах үүрэгтэй.

(b) Сунгуулах хүсэлтийг тухайн гэрчилгээнд заасан хугацаанаас өмнө, эсхүл хэрэв сунгах хугацааг заагаагүй бол гэрчилгээний хугацаа дуусахаас 30-аас доошгүй хоногийн өмнө Даргад хүргүүлэх үүрэгтэй.

### **171.17. Таних тэмдэг болон дуудлага**

- (a) Аливаа этгээд дараах шаардлага хангаагүй төхөөрөмжийг ажиллуулахгүй:
- (1) энэ зүйлийн (c)-гийн дагуу Дарга таних код олгосноос бусад радио навигацийн туслах хэрэгсэл; эсхүл
  - (2) энэ зүйлийн (c)-гийн дагуу Дарга дуудлага олгосноос бусад, 171.5(c)-гийн зааснаас бусад тохиолдолд, нисэхийн радио давтамж дээр ажилладаг радио холбооны дамжуулагч.
- (b) Энэ зүйлийн (a)-ийн дагуу таних код, эсхүл дуудлага авах хүсэлт гаргагч нь САА 24171/02 маягтыг бөглөж, Даргад хүргүүлэх үүрэгтэй.
- (c) Хэрэв Дарга код, эсхүл дуудлага олгох нь нисэхийн аюулгүй байдлын ашиг сонирхолд харшлахгүй гэж үзвэл, Дарга радио навигацийн туслах хэрэгсэлд таних код, эсхүл радио холбоо дамжуулах нисэхийн байгууламжид дуудлага олгож болно.

### **171.19. Нисэхийн байгууламжийн мэдээллийг хүргүүлэх**

Нисэхийн байгууламжийн үйл ажиллагаа хариуцсан этгээд нь дараах арга хэмжээг цаг алдалгүй авах үүрэгтэй:

- (1) НМҮ-ний байгууллагад дараах мэдээлэл хүргүүлэх:
  - (i) AIP-д хэвлэн нийтлэх зорилгоор, тухайн нисэхийн байгууламжийн үйл ажиллагааны дэлгэрэнгүй мэдээлэл;
  - (ii) NOTAM гаргах зорилгоор, тухайн нисэхийн байгууламжийн үйл ажиллагааны статуст орсон аливаа өөрчлөлтийн мэдээлэл.
- (2) хэрэв хамааралтай бол, энэ хэсгийн (1)-ийн дагуу хүргүүлсэн мэдээлэл нь үнэн зөв хэвлэн нийтлэгдсэн болохыг хянах.
- (3) түгээгдсэн мэдээллийн зөрчлийг ИНД-12-ын дагуу Даргад мэдэгдэх.

### **171.21. Нисэхийн байгууламжийн өгсөн мэдээлэл**

Нисэхийн байгууламжийн үйл ажиллагаа хариуцсан этгээд, хэрэв тухайн байгууламжийн хангаж байгаа мэдээлэл нь алдаатай гэж сэжиглэж байгаа, эсхүл сэжиглэх шалтгаан байгаа бол, тухайн байгууламжийг үргэлжлүүлэн ашиглахыг зөвшөөрч болохгүй.



## **В Бүлэг - Гэрчилгээжүүлэлтийн шаардлага**

### **171.51. Ажилтанд тавих шаардлага**

(a) НХНҮ-ний байгууллагын гэрчилгээ эзэмших хүсэлт гаргагч нь дараах ажилтныг үндсэн ажилтнаар, эсхүл гэрээгээр ажиллуулах үүрэгтэй:

- (1) Гүйцэтгэх захирлаар тодорхойлогдсон дараах удирдах ажилтан:
  - (i) тухайн байгууллагын гүйцэтгэж байгаа бүх үйл ажиллагааг санхүүжүүлэх ба энэ Дүрэмд заасан шаардлага болон стандартын дагуу гүйцэтгэж чадахаа хүсэлт гаргагчийн байгууллагын хүрээнд бататгах эрхтэй;
  - (ii) тухайн байгууллага нь энэ Дүрэмд заасан шаардлага болон стандартыг хангаж байгааг бататгах хариуцлага хүлээх;
- (2) гүйцэтгэх захирлын болон дараах үүрэг хариуцлага хүлээсэн удирдах ажилтан болон удирдах ажилтнууд:
  - (i) хүсэлт гаргагчийн байгууллага нь Ерөнхий заавраа дагаж мөрдөж байгааг бататгах;
  - (ii) 171.73-ын дагуу шаардсан аюулгүй байдлын удирдлагын тогтолцоо;
- (3) хүсэлт гаргагчийн Ерөнхий зааварт заасан байгууламжид үзлэг хийх, хянах болон засвар хийх хангалттай тооны ажилтан.

(aa) Энэ зүйлийн (a)(2)(ii)-т шаардсан удирдах ажилтан, эсхүл удирдах ажилтнууд нь гэрчилгээ эзэмшигчийн үйл ажиллагаа болон аюулгүй байдлын тогтолцооны удирдлагатай холбоотой ур чадвар, туршлагаа харуулсан байх үүрэгтэй.

(b) НХНҮ-ний байгууллагын гэрчилгээ эзэмших хүсэлт гаргагч нь Ерөнхий зааварт заасан байгууламжийг ашиглалтад шилжүүлэх эрхийг тухайн гэрчилгээ эзэмшигчийн олгосон ажилтанд зориулсан дараах журмыг тогтоох үүрэгтэй:

- (1) эрх бүхий ажилтны ур чадварт үнэлгээ хийх;
- (2) эрх бүхий ажилтны ур чадварыг хадгалах;
- (3) эрх бүхий ажилтанд, түүний зөвшөөрлийн хүрээг тодорхойлсон нотлох баримтыг бичгээр олгох.

**171.53. Нисэхийн байгууламжийн шаардлага**

(a) НХНУ-ний байгууллагын гэрчилгээ эзэмших хүсэлт гаргагч нь дараах шаардлагыг бататгах журмыг тогтоох үүрэгтэй:

- (1) хүсэлт гаргагчийн Ерөнхий зааварт заасан нисэхийн байгууламж нь:
  - (i) тухайн байгууламжийн холбогдох үйл ажиллагааны тодорхойлолтод нийцэхээр зохион бүтээгдсэн, суурилсан болон ашиглалтад орсон байх;
  - (ii) ICAO-гийн Хавсралт 10 Volumes I, III болон IV-т заасан тохирох системийн үзүүлэлт болон тодорхойлолтын стандартыг хангасан байх;
  - (iii) D Бүлгийн холбогдох техникийн тодорхойлолт болон шаардлагыг хангасан байх;
  - (iv) хэрэв код, эсхүл дуудлагыг 171.17-гийн дагуу шаардсан бол, таних тэмдэг, эсхүл дуудлага олгосон байх;
- (2) дараах НХУ-ын нэгжийн үйл ажиллагааны шаардлагыг хангах зорилгоор, аэродром дээр ойртолт, буулт болон хөөрөлт үйлдэхэд зайлшгүй ашигладаг, хүсэлт гаргагчийн Ерөнхий зааварт заасан радио навигацийн туслах хэрэгслийн үйл ажиллагааны статусын мэдээллээр хангасан байх:
  - (i) ажиллаж байх үедээ, тухайн аэродромд аэродромын удирдлагын үйлчилгээ үзүүлдэг;
  - (ii) ажиллаж байх үедээ, тухайн аэродромд ойртолтын удирдлагын үйлчилгээ үзүүлдэг;
- (3) хүсэлт гаргагчийн Ерөнхий зааварт заасан нисэхийн байгууламжийг радио навигацийн үйлчилгээ, эсхүл үйлчилгээ үзүүлдэг НХУ-ний хэрэгцээнд тохирох үйл ажиллагааны тасралтгүй байдлыг бататгах цахилгаан тэжээлийн эх үүсвэр болон аргачлалтай суурилуулсан байх;
- (4) хүсэлт гаргагчийн Ерөнхий зааварт тусгагдсан нисэхийн байгууламжийг тухайн байгууламжийг эвдлэх, сүйтгэх эсхүл гаднаас нөлөөлөх аливаа эрсдэлийг багасгах зорилгоор 171.55-д шаардсан аюулгүйн хамгаалалтын хөтөлбөрийн дагуу суурилуулсан байх;
- (5) хүсэлт гаргагчийн Ерөнхий зааварт заасан нисэхийн байгууламжийн эрсдэлтэй талбайн бүсийг:
  - (i) тухайн нисэхийн байгууламжийн талбайн зурагт тодорхой тогтоосон байх;
  - (ii) тухайн талбай дээр тохирох бичгэн тэмдэглэгээгээр хамгаалсан байх;
  - (iii) тухайн талбайн хязгаарлалт нь барилга байгууламж, хашаа, тээврийн хэрэгсэл, газрын үйлчилгээний бусад төхөөрөмж, эсхүл агаарын хөлгөөр зөрчигдөхгүй болохыг бататгах зорилгоор талбайн өмчлөгч, аэродромын үйл ажиллагаа эрхлэгч болон НХУ-ын нэгжийн аль холбогдох байгууллагатай бичгээр гэрээ байгуулж хамгаалсан байна.

(b) Талбайн тест (site test) хийх зорилгоор нисэхийн түр байгууламж ажиллуулахыг зорьж байгаа НХНУ-ний байгууллагын гэрчилгээ эзэмших хүсэлт гаргагч нь тухайн тестийг хийх журмыг тогтоох үүрэгтэй.

- (с) Энэ зүйлийн (b)-д шаардсан журам нь дараах шаардлагыг багтаах ёстой:
- (1) түр байгууламжийн үйл ажиллагаа нь үйл ажиллагаа явуулж байгаа бусад нисэхийн байгууламжид нөлөөлөх шалтгаан болохгүй байх;
  - (2) түр байгууламжийн үйл ажиллагааны талаарх шаардлагатай мэдээллийг NOTAM-аар зарлуулахын тулд, эсхүл AIP-ын нэмэлтээр хэвлэн мэдээлэх нь тохиромжтой бол НМУ-ний байгууллагад хүргүүлэх;
  - (3) зохих NOTAM-аар зарлуулсан байх.

#### **171.55. Аюулгүйн хамгаалалтын хөтөлбөр**

(a) НХНУ-ний байгууллагын гэрчилгээ эзэмших хүсэлт гаргагч нь Ерөнхий зааварт заасан байгууламжийн аюулгүйн хамгаалалтын хөтөлбөрийг боловсруулах үүрэгтэй.

(b) Энэ зүйлийн (a)-д шаардсан аюулгүйн хамгаалалтын хөтөлбөр нь хэрэв байгууламжийг эвдэх, гэмтээх эсхүл байгууламжид гаднаас нөлөөлөх нь агаарын хөлгийн аюулгүй байдалд аюул учруулах бол, НХНУ-ний байгууллагын гэрчилгээний эрхийн хүрээнд ажиллах аливаа нисэхийн байгууламжийг эвдлэх, гэмтээх, эсхүл байгууламжид гаднаас нөлөөлөх эрсдэлийг багасгах зорилгоор мөрдөх аюулгүйн хамгаалалтын бодит шаардлага, аргачлал болон журмыг тогтоох ёстой.

(с) Энэ зүйлийн (a)-д шаардсан аюулгүйн хамгаалалтын хөтөлбөр нь дараах нөхцөлд шаардаж болох аюулгүйн хамгаалалтын шаардлага, аргачлал болон журмыг багтаах ёстой:

- (1) зөвшөөрөлгүй нэвтрэхээс урьдчилан сэргийлэх үүднээс нисэхийн байгууламж бүр журмын дагуу нэвтрэх хяналттай болохыг бататгах;
- (2) нисэхийн байгууламжийг дэлбэлэхээр заналхийлэх, эсхүл сүйтгэх өөр хэлбэрээр заналхийлэх тохиолдолд ажилчдын мөрдөх;
- (3) аливаа халдлага, эсхүл хөндлөнгийн нөлөөг шуурхай илрүүлж байгааг бататгах зорилгоор эзэнгүй нисэхийн байгууламжийн байрыг хянах.

(d) Энэ зүйлийн (a)-д шаардсан аюулгүйн хамгаалалтын хөтөлбөр нь аюулгүйн хамгаалалтын зөрчлийн талаар ИНД-12-ын дагуу Даргад мэдээлэх, шинжлэн шалгах болон тайлан гаргах журмыг багтаах ёстой.

**171.57. Баримт бичиг**

(a) НХНҮ-ний байгууллагын гэрчилгээ эзэмших хүсэлт гаргагч нь хүсэлт гаргагчийн Ерөнхий зааварт заасан байгууламжийн хангалт болон үйл ажиллагаанд шаардлагатай холбогдох төхөөрөмжийн заавар, техникийн стандарт, практик, зааварчилгаа болон бусад баримт бичгийн хувийг хадгалах үүрэгтэй.

(b) НХНҮ-ний байгууллагын гэрчилгээ эзэмших хүсэлт гаргагч нь энэ зүйлийн (a) болон холбогдох бусад Дүрэмд шаардсан баримт бичгийг хянах журмыг тогтоох үүрэгтэй.

(c) Энэ зүйлийн (b)-д шаардсан журам нь дараах шаардлагыг багтаах ёстой:

- (1) бүх баримт бичгийг гаргахын өмнө 171.51-д заасан холбогдох удирдах ажилтан хянаж, зөвшөөрдөг байх;
- (2) нисэхийн байгууламжийн хангалт болон үйл ажиллагаанд шаардлагатай холбогдох бүх баримт бичгийн хүчинтэй хувийг тухайн ажлын байранд байгаа ажилтнууд авч ашиглахад бэлэн байлгах;
- (3) хүчингүй болсон баримт бичгийг олгох цэгээс, эсхүл ашиглаж байгаа бүх цэгээс нэн даруй хураадаг байх;
- (4) баримт бичигт орсон нэмэлт өөрчлөлтийг 171.51-д заасан эрх бүхий албан тушаалтан хянаж, баталгаажуулдаг байх;
- (5) баримт бичгийн хүчинтэй хувилбар танигддаг байх.

**171.59. Хуваарьт үзлэг шалгалт болон тест хийх**

(a) НХНҮ-ний байгууллагын гэрчилгээ эзэмших хүсэлт гаргагч нь нисэхийн байгууламж бүр тухайн байгууламжийн холбогдох үйл ажиллагааны шаардлага болон үзүүлэлтийн тодорхойлолтыг хангасан болохыг бататгах, хүсэлт гаргагчийн Ерөнхий зааварт заасан нисэхийн байгууламжид хуваарьт үзлэг шалгалт болон тест хийх журмыг тогтоох үүрэгтэй.

(b) Энэ зүйлийн (a)-д шаардсан журам нь дараах шаардлагыг багтаах ёстой:

- (1) газрын үзлэг шалгалт, тест болон хэрэв шаардлагатай бол нислэгийн шалгалт;
- (2) дараах мэдээллийг харгалзан, Ерөнхий зааварт заасан нисэхийн байгууламж бүрийн хуваарьт тестийн хоорондох давтамжийг тогтоох, эсхүл өөрчлөх шалгуур:
  - (i) ICAO-гоос гаргасан холбогдох мэдээлэл;
  - (ii) тухайн нисэхийн байгууламжийн холбогдох найдвартай өгөгдөл;
  - (iii) тухайн нисэхийн байгууламжийн болон бусад ижил төрлийн нисэхийн байгууламжийн батлагдсан найдвартай үзүүлэлтийн мэдээлэл, болон тухайн нисэхийн байгууламжийн ажиллах орчны тогтвортой байдал;
- (3) Ерөнхий зааварт заасан нисэхийн байгууламж бүрийн хуваарьт тестийн хоорондох давтамжийг тогтоох, эсхүл өөрчлөх үндэслэлийг баримтжуулсан болохыг бататгах.

(с) НХНУ-ний байгууллагын гэрчилгээ эзэмших хүсэлт гаргагч нь дараах хөтөлбөрийг хэрэгжүүлэх үүрэгтэй:

- (1) хүсэлт гаргагчийн Ерөнхий зааварт заасан нисэхийн байгууламж бүрийн хуваарьт газрын үзлэг шалгалтын хөтөлбөр;
- (2) хүсэлт гаргагчийн Ерөнхий зааварт заасан нисэхийн байгууламж бүрийн хуваарьт газрын тестийн хөтөлбөр;
- (3) тухайн нисэхийн байгууламжийн хувьд, агаарын навигацийн аюулгүй байдалд нөлөөлөхгүйгээр хуваарьт газрын тест нь хуваарьт нислэгийн тестийг орлож чадахыг энэ зүйлийн (b)(2)-т заасан шалгуураар хүсэлт гаргагч тогтоож чаддаг байхаас бусад тохиолдолд, хүсэлт гаргагчийн Ерөнхий зааварт заасан радио навигацийн туслах хэрэгсэл бүрийн хуваарьт нислэгийн тестийн хөтөлбөр.

(d) Энэ зүйлийн (с)(2) болон (с)(3)-д шаардсан хөтөлбөр нь энэ зүйлийн (b)(2)-т шаардсан шалгуурт үндэслэсэн байх ёстой ба нисэхийн байгууламж бүрийн шалгалт хоорондох максимум хугацааг тогтоох ёстой.

(e) НХНУ-ний байгууллагын гэрчилгээ эзэмших хүсэлт гаргагч нь хуваарьт шалгах нислэг хийх шаардлагагүй радио навигацийн туслах хэрэгслийг Даргад мэдэгдэх үүрэгтэй.

#### **171.61. Нисэхийн байгууламжийн үзүүлэлт**

НХНУ-ний байгууллагын гэрчилгээ эзэмших хүсэлт гаргагч нь дараахаас бусад тохиолдолд, хүсэлт гаргагчийн Ерөнхий зааварт заасан нисэхийн байгууламжийг ашиглалтад шилжүүлдэггүй болохыг бататгах журмыг тогтоох үүрэгтэй:

- (1) нисэхийн байгууламжийг ашиглалтад шилжүүлэх этгээд нь 171.51(b)-д шаардсаны дагуу ур чадварын үнэлгээ хийлгэж, эрх олгогдсон байх;
- (2) 171.107-д шаардсан үйл ажиллагааны болон засвар үйлчилгээний зааварчилгаанд дэлгэрэнгүй заасан тохирох шалгалтыг тухайн нисэхийн байгууламжийн үзүүлэлтийг бататгах зорилгоор хийсэн байх;
- (3) тухайн нисэхийн байгууламжийн бүртгэлийг 171.71-д шаардсан журмын дагуу хөтөлсөн байх.

**171.63. Үзлэг шалгалт, хэмжилт болон тестийн төхөөрөмж**

(a) НХНҮ-ний байгууллагын гэрчилгээ эзэмших хүсэлт гаргагч нь тохирох үзлэг шалгалт, хэмжилт болон тестийн төхөөрөмж нь хүсэлт гаргагчийн Ерөнхий зааварт заасан нисэхийн байгууламж бүрийн үйл ажиллагааг хэвийн **явуулах** ажилтнууд авч хэрэглэх боломжтой болохыг бататгах үүрэгтэй.

(b) НХНҮ-ний байгууллагын гэрчилгээ эзэмших хүсэлт гаргагч нь хэмжилт болон тест хийхэд шаардлагатай төхөөрөмж бүр нь нарийвчлалтай болон үнэн зөв байгааг бататгах зорилгоор энэ зүйлийн (a)-д шаардсан бүх үзлэг шалгалт, хэмжилт болон тестийн төхөөрөмжийг хянах, тохируулах болон хадгалах журмыг тогтоох үүрэгтэй.

(c) Энэ зүйлийн (b)-д шаардсан журмаар эрсдэлтэй гүйцэтгэлийн үзүүлэлтийг хэмжих шаардлагатай тестийн төхөөрөмж бүр дараах шаардлага хангасан болохыг бататгахыг шаардах ёстой:

- (1) хэрэглэхийн өмнө, эсхүл тогтоосон давтамжтай, холбогдох үндэсний стандартын нийцлийг эргэн тогтоох боломжтой хэлбэрээр тохируулга хийдэг байх;
- (2) тохируулгын мэдээллийг тохиромжтой заах хэрэглэлээр харуулдаг байх;
- (3) дараах хяналтыг хийдэг байх:
  - (i) тохируулгын тохиргоог хүчингүй болгож болох үйлдлээс хамгаалах;
  - (ii) тухайн тестийн төхөөрөмжийн арчилгаа, удаан хугацааны хадгалалтын шилжүүлэлт болон хадгалалт нь түүний нарийвчлал болон ашиглахад тохиромжтой байдлыг хэвээр хадгалж байгаа болохыг бататгах.

(d) Хэрэв нисэхийн байгууламжийн үзүүлэлтийн тестийг хийхэд техник хангамж болон програм хангамж ашигладаг бол, энэ зүйлийн (b)-д заасан журмаар дараах нөхцөлд тестийн системийн үйл ажиллагааг шалгахыг шаардах ёстой:

- (1) ашиглалтад гаргахаас өмнө;
- (2) тогтоосон давтамж дээр.

**171.65. Нисэхийн байгууламжийн мэдээллийг зарлах**

(a) НХНҮ-ний байгууллагын гэрчилгээ эзэмших хүсэлт гаргагч нь хүсэлт гаргагчийн Ерөнхий зааварт заасан холбогдох нисэхийн байгууламж бүр нь 171.19-ийн шаардлага хангаж байгааг бататгах журмыг тогтоох үүрэгтэй.

(b) Энэ зүйлийн (a)-д шаардсан журам нь дараах шаардлагыг бататгах хэлбэрийг багтаах ёстой:

- (1) НМҮ-нд мэдэгдсэн нисэхийн байгууламжийн үйл ажиллагааны дэлгэрэнгүй мэдээллийг AIP-д үнэн зөв хэвлэн нийтэлсэн байх;
- (2) нисэхийн байгууламжийн үйл ажиллагааны статусын аливаа өөрчлөлтийг NOTAM-д хэвлэн нийтэлсэн байх.

**171.67. Осол, зөрчлийн дараа нисэхийн байгууламжийг шалгах**

(a) НХНҮ-ний байгууллагын гэрчилгээ эзэмших хүсэлт гаргагч нь осол, зөрчилд өртсөн агаарын хөлөг, эсхүл НХҮ-нд ашигласан байж болох тухайн гэрчилгээний эрхийн хүрээнд үйл ажиллагаа гүйцэтгэсэн нисэхийн байгууламжийн үйл ажиллагааны нөхцөлийг шалгах болон үнэн зөв бүртгэлийн журмыг тогтоох үүрэгтэй.

(b) Энэ зүйлийн (a)-д шаардсан журам нь дараах шаардлагыг багтаах ёстой:

- (1) нисэхийн байгууламжийн үйл ажиллагааны нөхцөлийн шалгалтыг осол, эсхүл зөрчлийн талаар НХНҮ-ний байгууллагын гэрчилгээ эзэмшигчид мэдэгдсэний дараа цаг алдалгүй гүйцэтгэх;
- (2) тухайн шалгалтын бүртгэл болон нисэхийн байгууламжийн түүхийн бичилтийг дараагийн осол, эсхүл зөрчлийн шинжлэн шалгах ажиллагаанд ашиглах боломжтой аюулгүй газар хадгалах;
- (3) энэ зүйлийн (b)(2)-ын дагуу аюулгүй хадгалахыг шаардсан бүртгэлийг бүртгэлд хамгийн сүүлд оруулсан бичилт хийснээс хойш 3 жил хадгалах.

**171.69. Байгууламжийн доголдлын зөрчил**

НХНҮ-ний байгууллагын гэрчилгээ эзэмших хүсэлт гаргагч нь дараах журмыг тогтоох үүрэгтэй:

- (1) байгууламжийн доголдлын зөрчлийн талаар ИНД-12-ын шаардлагын дагуу мэдээлэх, шинжлэн шалгах болон тайлан гаргах;
- (2) байгууламжийн доголдлын зөрчлийн шалтгааныг арилгах болон давтан гарахаас сэргийлэх зорилгоор залруулах арга хэмжээний төлөвлөгөө гаргаж, хэрэгжүүлэх.

**171.71. Бүртгэл**

(a) НХНҮ-ний байгууллагын гэрчилгээ эзэмших хүсэлт гаргагч нь дараах бүртгэлийг хөтлөхөд шаардлагатай бүртгэл ангилах, бүрдүүлэх, индексжүүлэх, хадгалах, хөтлөх болон устгах журмыг тогтоох үүрэгтэй:

- (1) нисэхийн холбоо, навигацийн үйлчилгээний найдвартай хангалт;
- (2) хүсэлт гаргагчийн Ерөнхий зааварт заасан нисэхийн байгууламжийн найдвартай ажиллагаа.

(b) Энэ зүйлийн (a)-д шаардсан журамд дараах бүртгэлийг үнэн зөв хөтлөх, хадгалах шаардлагыг багтаасан байх ёстой:

- (1) нисэхийн байгууламжийн бүрийн хувьд:
  - (i) тухайн нисэхийн байгууламжийн үйл ажиллагааны үзүүлэлтийг баримтжуулах бүртгэл;
  - (ii) бүртгэгдсэн үйл ажиллагаа тус бүрийг хариуцсан этгээд, эсхүл ажилтан мөрдөх техник үйлчилгээ, нисэхийн байгууламжийн хуваарьт үзлэг шалгалт болон тестийн түүхийг эргэж тогтоох боломжоор хангах бүртгэл;
- (2) нисэхийн байгууламж бүрийн хувьд, 171.59(a)-д шаардсан хуваарьт шалгалтын боловсруулалтын, эсхүл өөрчлөлтийн бүртгэл;

- (3) нисэхийн байгууламжийн эрсдэлтэй гүйцэтгэлийн үзүүлэлтийг хэмжихэд ашигладаг 171.63(a)-д шаардсан тестийн төхөөрөмж бүрийн хувьд, тестийн төхөөрөмж бүрийн байршил, техник үйлчилгээ болон тохируулгыг эргэн тогтоох боломжтой түүхийг багтаасан бүртгэл;
- (4) ИНД-12-ын дагуу мэдээлсэн байгууламжийн доголдлын зөрчил бүрийн хувьд, дараах мэдээллийг багтаасан бүртгэл:
- (i) доголдлын шинж байдлын дэлгэрэнгүй мэдээлэл;
  - (ii) шинжлэн шалгах ажиллагааны үед илэрсэн зөрчил;
  - (iii) залруулах арга хэмжээг эргэн шалгах;
  - (iv) хэрэв хамааралтай бол, ИНД-12-ын дагуу ИНЕГ-т хүргүүлсэн тайлангийн хуулбар;
- (5) [хүчингүй]
- (6) 171.51(b)-гийн дагуу нисэхийн байгууламжийг ашиглалтад шилжүүлэх эрх олгогдсон этгээдийн хувьд, тухайн этгээдийн туршлага, мэргэшил, сургалт, ур чадварын үнэлгээ болон хүчинтэй эрхийг багтаасан бүртгэл.
- (с) Энэ зүйлийн (а)-д шаардсан журам нь дараах шаардлагыг багтаах ёстой:
- (1) бүх бүртгэл гаргацтай болон байнгын арилдаггүй байдалтай байх;
  - (2) энэ зүйлийн (b)(1)-д шаардсан бүх нисэхийн байгууламжийн бүртгэлийг, дараах зорилгоор урт хугацаа шаардсанаас бусад тохиолдолд 3-аас доошгүй жил хадгална:
    - (i) Дарга шаардах; эсхүл
    - (ii) тухайн нисэхийн байгууламжийн гүйцэтгэлийн түүхийг үүсгэх.

### **171.73. Аюулгүй байдлын удирдлага**

НХНУ-ний байгууллагын гэрчилгээ эзэмших хүсэлт гаргагч нь ИНД-100.3-ын дагуу аюулгүй байдлын удирдлагын тогтолцоог бүрдүүлэх, хэрэгжүүлэх болон мөрдөх үүрэгтэй.

### **171.75. Холбооны журам**

НХНУ-ний байгууллагын гэрчилгээ эзэмших хүсэлт гаргагч нь хүсэлт гаргагчийн Ерөнхий зааварт заасан байгууламжийн үйл ажиллагааны журам нь ICAO-гийн Хавсралт 10, Volume II-г тогтоосон холбогдох холбооны журмын дагуу болохыг бататгах үүрэгтэй.



**171.77. Байгууллагын Ерөнхий заавар**

(а) НХНҮ-ний байгууллагын гэрчилгээ эзэмших хүсэлт гаргагч нь дараах журмыг багтаасан Ерөнхий зааврыг Даргад ирүүлэх үүрэгтэй:

- (1) дараах шаардлагыг бататган, хүсэлт гаргагчийн байгууллагын нэрийн өмнөөс Гүйцэтгэх захирал гарын үсэг зурсан мэдэгдэл:
  - (i) Ерөнхий заавар нь тухайн байгууллагыг тодорхойлох ба энэ Дүрмийн байнгын хэрэгжилтийг бататгах хэлбэр болон аргыг харуулах;
  - (ii) байгууллагын ажилтнууд Ерөнхий заавар, холбогдох бүх заавар, үйл ажиллагааны болон техник үйлчилгээний гар авлагыг байнга дагаж мөрдөх ёстой;
- (1A) 171.73-д шаардсан аюулгүй байдлын удирдлагын тогтолцооны хувьд:
  - (i) ИНД-100.3(b)-д шаардсан бүх баримт бичиг;
  - (ii) НХНҮ-ний байгууллагын гэрчилгээний хүчинтэй хугацаагаа сунгуулахаас бусад хүсэлт гаргагчийн хувьд, аюулгүй байдлын удирдлагын тогтолцоог хэрхэн хэрэгжүүлэхийг дүрслэн харуулсан хэрэгжүүлэлтийн төлөвлөгөө;
- (2) 171.51(a)(1) болон (2)-т шаардсан удирдах ажилтан, эсхүл удирдах ажилтнуудын албан тушаал болон нэр;
- (3) 171.51(a)(1) болон (2)-т шаардсан удирдах ажилтан, эсхүл удирдах ажилтнуудын дараах үүрэг, хариуцлагыг:
  - (i) тухайн байгууллагын нэрийн өмнөөс Дарга, эсхүл ИНЕГ-тай шууд харьцах тэдний хариуцсан асуудал;
  - (ii) аюулгүй байдлын удирдлагын үүрэг хариуцлага;
- (4) 171.51(a)(1) болон (2)-т шаардсан удирдах ажилтан, эсхүл удирдах ажилтнуудын болон энэ зүйлийн (а)(7)-д заасан байршил бүрийг хамарсан үүрэг хариуцлагын шугаман хамаарлыг харуулсан байгууллагын бүтцийн зураг;
- (5) энэ зүйлийн (а)(7)-д заасан байрлал бүрд ажиллах тухайн байгууллагын ажилтнуудын бүтцийн дэлгэрэнгүй мэдээлэл;
- (5A) байгууллагын хүрээнд аюулгүй байдлын хариуцлагын шугаман хамаарлыг тодорхойлсон мэдээлэл;
- (6) НХНҮ-ний байгууллагын гэрчилгээний эрхийн хүрээнд ажиллах нисэхийн байгууламжийн жагсаалт;
- (7) энэ зүйлийн (а)(6)-д заасан байгууламжийн төрлийн үйлчилгээ үзүүлэх, эсхүл хангах зорилгоор тухайн байгууллагын ажилтан байрласан байршил бүрийн үйл ажиллагааны цар хүрээний дэлгэрэнгүй мэдээлэл;
- (8) энэ зүйлийн (а)(7)-д заасан байршилтай холбоотой нисэхийн байгууламж бүрийн ажиллагааны дэлгэрэнгүй мэдээлэл;
- (9) 171.55-д шаардсан аюулгүйн хамгаалалтын хөтөлбөрийн дэлгэрэнгүй мэдээлэл;
- (10) [хүчингүй]

- (11) дараах зүйлд шаардсан дэлгэрэнгүй журмыг агуулсан, баримт бичгийг тодорхойлох мэдээллийг багтаасан дэлгэрэнгүй журам, эсхүл журмын тайлбар:
- (i) 171.51(b)(1) болон (2) - ажилтны ур чадварын хадгалалтын үнэлгээний талаар;
  - (ii) 171.53(a) - байгууламжийг зохион бүтээх, суурилуулах болон ашиглалтад оруулах талаар;
  - (iii) 171.53(b) - талбайн тест (site test) хийх зорилгоор түр байгууламж ажиллуулах талаар;
  - (iv) 171.57(b) - баримт бичиг хянах талаар;
  - (v) 171.59(a) - байгууламжийн хуваарьт үзлэг шалгалт болон тестийн талаар;
  - (vi) 171.61 - байгууламжийн гүйцэтгэлийн талаар;
  - (vii) 171.63 - үзлэг шалгалт, хэмжилт болон тестийн төхөөрөмжийн хяналт, тохируулга болон засвар үйлчилгээний талаар;
  - (viii) 171.65(a) - байгууламжийн мэдээллийг мэдээлэх талаар;
  - (ix) 171.67(a) - осол, зөрчлийг мэдээлсний дараа байгууламжийг шалгах талаар;
  - (x) 171.69 - байгууламжийн доголдлын зөрчлийн талаар;
  - (xi) 171.71(a) - бүртгэлийг ангилах, бүрдүүлэх, индексжүүлэх, хадгалах, хөтлөх болон устгах;
  - (xii) 171.75 - холбооны журмын талаар;
- (12) Ерөнхий зааврыг хянах, нэмэлт өөрчлөлт оруулах болон түгээх журам.
- (b) Хүсэлт гаргагчийн Ерөнхий заавар нь Даргын хүлээн зөвшөөрөхүйц байх ёстой.

## **С Бүлэг - Үйл ажиллагааны шаардлага**

### **171.101. Байнгын хэрэгжилт**

НХНҮ-ний байгууллагын гэрчилгээ эзэмшигч нь дараах үүрэгтэй:

- (1) энэ Дүрмийн дагуу гэрчилгээжүүлэлтэд тогтоосон В Бүлгийн шаардлага болон стандартыг байнга дагаж мөрдөх;
- (2) Ерөнхий зааварт дэлгэрэнгүй заасан бүх журмыг дагаж мөрдөх;
- (3) Ерөнхий зааварт заасан ажлын байрлал тус бүрд, тухайн зааврын нэгээс доошгүй хүчинтэй, бүрэн хувийг хадгалах;
- (4) Ерөнхий зааврын холбогдох бүлгийг шаардлагатай ажилтан ажил үүргээ гүйцэтгэхдээ ашиглах боломжтой байлгах;
- (5) үйлчилгээ, утас, дугаар, эсхүл факсын дугаарын аливаа өөрчлөлтийг тухайн өөрчлөлтөөс хойш 28 хоногийн дотор САА 24171/01 маягтаар Даргад мэдэгдэх.

### **171.103. Нөөц**

### **171.105. Нөөц**

### **171.107. Үйл ажиллагааны болон техник үйлчилгээний заавар**

(a) НХНҮ-ний байгууллагын гэрчилгээ эзэмшигч нь дараах үүрэгтэй:

- (1) Ерөнхий зааварт заасан нисэхийн байгууламж бүрийн үйл ажиллагааны болон техник үйлчилгээний шаардлагыг тогтоосон үйл ажиллагааны болон техник үйлчилгээний зааварчилгаатай байх;
- (2) ажилтны хэрэглээ болон гарын авлага болох энэ хэсгийн (1)-д шаардсан үйл ажиллагааны болон техник үйлчилгээний зааварчилгаагаар хангах.

(b) Энэ зүйлийн (a)(1)-д шаардсан үйл ажиллагааны болон техник үйлчилгээний зааварчилгаа нь дараах мэдээллийг багтаах ёстой:

- (1) нисэхийн байгууламж бүрийн эрсдэлтэй гүйцэтгэлийн үзүүлэлтийн дэлгэрэнгүй мэдээлэл;
- (2) энэ зүйлийн (b)(1)-д заасан эрсдэлтэй гүйцэтгэлийн үзүүлэлтийн холбогдох минимум түвшин;
- (3) энэ зүйлийн (b)(1)-д заасан эрсдэлтэй гүйцэтгэлийн үзүүлэлтийн хэмжилтэд шаардлагатай тестийн төхөөрөмжийн дэлгэрэнгүй мэдээлэл;
- (4) ашиглалтад шилжүүлэхэд заавал хийх шаардлагатай үзлэг шалгалт болон тестийн журмын дэлгэрэнгүй мэдээлэл;
- (5) нисэхийн байгууламжийн үйл ажиллагааны болон техник үйлчилгээнд заавал хийх үзлэг шалгалт болон тестийн журмын дэлгэрэнгүй мэдээлэл.

**171.109. Дүрмийн шаардлагаас хазайх**

(а) Хэрэв хүний амь нас, эсхүл өмч хөрөнгө хамгаалах онцгой нөхцөлийн арга хэмжээнд агаарын хөлгийн шуурхай оролцоо шаардлагатай бол, НХНҮ-ний байгууллагын гэрчилгээ эзэмшигч нь 171.113(а)-г харгалзан, энэ Дүрмийн аливаа шаардлагаас хазайж болно.

(b) Энэ зүйлийн (а)-гийн дагуу энэ Дүрмийн шаардлагаас хазайх, НХНҮ-ний байгууллагын гэрчилгээ эзэмшигч нь дараах үүрэгтэй:

- (1) тухайн онцгой нөхцөлийн дараа, Даргад цаг алдалгүй бичгээр тайланг хүргүүлнэ, гэхдээ аль ч тохиолдолд 14 хоногоос хэтрэхгүйгээр;
- (2) энэ зүйлийн (b)(1)-д шаардсан тайланд тухайн дүрмийн шаардлагаас хазайсан тохиолдлын мөн чанар, хамрах хүрээ, үргэлжлэх хугацааг багтаах.

**171.111. Нисэхийн түр байгууламж**

Хэрэв талбайн тест хийх (site test) зорилгоор нисэхийн түр байгууламж ажиллуулдаг бол, НХНҮ-ний байгууллагын гэрчилгээ эзэмшигчийг 171.53(b) болон (с)-гээс бусад, В Бүлгийн шаардлагыг дагаж мөрдөхийг шаардахгүй.

**171.113. Гэрчилгээ эзэмшигчид тавих хязгаарлалт**

(а) Энэ Дүрмийн 171.53(b)-д шаардсан журмын дагуу газрын тест (site test) хийх зорилгоор нисэхийн түр байгууламжийн үйл ажиллагаа гүйцэтгэдэг байхаас бусад тохиолдолд, хэрэв эзэмшигчид тухайн байгууламжийн хангаж байгаа мэдээллийн үнэн зөв байдалд эргэлзэх шалтгаан байгаа бол, НХНҮ-ний байгууллагын гэрчилгээ эзэмшигч нь тухайн нисэхийн байгууламжийн ашиглалтыг гэрчилгээний эрхийн хүрээнд үргэлжлүүлэхгүй.

(b) НХНҮ-ний байгууллагын гэрчилгээ эзэмшигч нь тухайн байгууламжид **Харилцаа холбооны зохицуулах хорооны дарга** радио төхөөрөмжийн үнэмлэх олгосноос бусад тохиолдолд, нисэхийн радио давтаж дээр радио нэвтрүүлэгч нисэхийн байгууламжийг ажиллуулахгүй байж болно.

(с) Хэрэв 171.109(а)-ийн дагуу дүрмийн шаардлагаас хазайх шаардлагатай, эсхүл 171.53(b)-д шаардсан журмын дагуу талбайн тестийг (site test) хийснээс бусад тохиолдолд, НХНҮ-ний байгууллагын гэрчилгээ эзэмшигч нь дараах шаардлагыг хангаагүй нисэхийн байгууламжийг ажиллуулахгүй:

- (1) тухайн нисэхийн байгууламж нь гэрчилгээ эзэмшигчийн Ерөнхий зааварт заагдсан;
- (2) нисэхийн байгууламжийн үзүүлэлт нь 171.19-ийн дагуу тухайн байгууламжийн зарлан мэдээлсэн холбогдох мэдээлэлд нийцсэн;
- (3) нисэхийн байгууламжийн үзүүлэлт нь 171.53(а)-ийн холбогдох шаардлагад нийцсэн;
- (4) нисэхийн байгууламжийн бүрэн бүтэн байдлыг хянах систем нь бүрэн ажиллагаатай байх;
- (5) нисэхийн байгууламжийн хуваарьт бүх тест нь 171.59(с)(2) болон (3)-д заасан хөтөлбөрийн дагуу хийгдсэн;

- (6) хэрэв тухайн нисэхийн байгууламжийг эвдлэх, сүйтгэх эсхүл хөндлөнгөөс оролцох нь нислэг үйлдэж байгаа агаарын хөлгийн аюулгүй байдалд аюул учруулах бол, тухайн нисэхийн байгууламжийг нь 171.55(а)-д шаардсан гэрчилгээ эзэмшигчийн аюулгүйн хамгаалалтын хөтөлбөрт тусгасан байна;
- (7) хэрэв энэ зүйлийн (с)(6) нь хамаарах бол, тухайн нисэхийн байгууламжийн аюулгүйн хамгаалалтын хөтөлбөрийн шаардлагыг хангаж байх.

#### **171.115. Гэрчилгээ эзэмшигч байгууллагын өөрчлөлт**

- (a) НХНҮ-ний байгууллагын гэрчилгээ эзэмшигч нь дараах үүрэгтэй:
  - (1) Ерөнхий зааврын дэлгэрэнгүй мэдээллийн нэмэлт өөрчлөлтийг гэрчилгээ эзэмшигчийн байгууллага, нисэхийн холбоо, навигацийн үйлчилгээ болон байгууламжийн хүчинтэй тодорхойлолт хэвээр хадгалагдаж байхаар хийсэн болохыг бататгах;
  - (2) Ерөнхий зааварт оруулсан нэмэлт өөрчлөлт нь энэ Дүрмийн холбогдох шаардлагад нийцэж байгааг бататгах;
  - (3) Ерөнхий зааварт заасан нэмэлт өөрчлөлт оруулах журмыг дагаж мөрдөх;
  - (4) гэрчилгээ эзэмшигч нь Ерөнхий зааварт нэмэлт өөрчлөлт оруулсан даруйд нэмэлт өөрчлөлтийн хувийг Даргын хэрэгцээнд зориулж цаг алдалгүй хүргүүлэх;
  - (5) Дарга нисэхийн аюулгүй байдлын ашиг сонирхолд хэрэгтэй гэж үзвэл, Ерөнхий зааварт нэмэлт өөрчлөлт оруулах.
- (b) НХНҮ-ний байгууллагын гэрчилгээ эзэмшигч нь дараах өөрчлөлтийг хийхээс өмнө Даргын зөвшөөрлийг урьдчилан авах шаардлагатай:
  - (1) Гүйцэтгэх захирал;
  - (2) нэр заагдсан удирдах ажилтнууд;
  - (3) аюулгүйн хамгаалалтын хөтөлбөр;
  - (4) тухайн гэрчилгээний эрхийн хүрээнд ажиллаж байгаа нисэхийн байгууламжийн төрөл;
  - (5) аюулгүй байдлын удирдлагын тогтолцоо, хэрэв тухайн өөрчлөлт нь нөлөө бүхий өөрчлөлт бол.
- (c) Гэрчилгээ эзэмшигч нь энэ зүйлийн (b)-гийн дагуу аливаа өөрчлөлт оруулах хүсэлтийг САА 24171/01 маягтаар гаргах үүрэгтэй.
- (d) Дарга нисэхийн аюулгүй байдлын ашиг сонирхолд шаардлагатай гэж үзэн, энэ зүйлийн (b)-д заасан өөрчлөлтийг хийж байх үед, эсхүл хийсний дараа НХНҮ-ний байгууллагын гэрчилгээ эзэмшигчийн дагаж мөрдөх нөхцөлийг тогтоож болно.
- (e) НХНҮ-ний байгууллагын гэрчилгээ эзэмшигч нь энэ зүйлийн (d)-гийн дагуу Даргын тогтоосон нөхцөлийг дагаж мөрдөх үүрэгтэй.
- (f) Хэрэв энэ зүйлийн (b)-д заасан өөрчлөлт нь НХНҮ-ний байгууллагын гэрчилгээнд нэмэлт, өөрчлөлт оруулахыг шаардсан бол гэрчилгээ эзэмшигч тухайн өөрчлөлтийн баталгаажуулсан тэмдэглэл хийлгэхээр Даргад цаг алдалгүй хүргүүлэх үүрэгтэй.

## D Бүлэг - Байгууламжийн техникийн тодорхойлолт болон шаардлага

### 171.201. Нэмэлт техникийн тодорхойлолт болон шаардлага

Энэ Дүрмийн 171.53(а)(1)-д заасан нисэхийн байгууламжид дараах техникийн тодорхойлолт болон шаардлага хамаарна:

- (1) НХНУ-ний байгууллагын гэрчилгээ эзэмшигчийн Ерөнхий зааварт заасан NDB бүр нь ICAO-гийн Хавсралт 10, Volume I, section 3.4-т заасан тодорхойлолтын стандартаас гадна дараах техникийн тодорхойлолтын стандартад тохирсон байх ёстой:
  - (i) цацагдаж байгаа дохио нь  $1020\pm 50$  Гц-ийн тон залгах/салгах түлхүүрээр амплитудаар модуляцлагдсан тасралтгүй зөөгч, эсхүл үргэлжилсэн зөөгчөөс  $1020\pm 50$  Гц-ээр тусгаарлагдсан хоёрдогч зөөгчийн түлхүүрээр таньж тогтоогдсон тасралтгүй зөөгчийн аль нэг нь байх ёстой;
  - (ii) NDB-нисэхийн байгууламж бүрийн хувьд, ICAO-гийн Хавсралт 10, Volume I, section 3.4.8.1 болон 3.4.8.2-т зөвлөсөн хяналтын ажиллагаа нь заавал мөрдөх техникийн тодорхойлолтын шаардлага байх;
  - (iii) NDB-нисэхийн байгууламж бүрийн хувьд, хяналтын систем нь ICAO-гийн Хавсралт 10, Volume I, section 3.4.8.1 болон 3.4.8.2-т заасан аливаа нөхцөл илэрсэн үед анхааруулах дохиог хяналтын цэгт дамжуулдаг байх ба NDB-г унтраадаг ёстой байх;
- (2) НХНУ-ний байгууллагын гэрчилгээ эзэмшигчийн Ерөнхий зааварт заасан UHF DME нь ICAO-гийн Хавсралт 10-ын Volume I, зүйл 3.5-д заасан тодорхойлолтын стандартаас гадна дараах тодорхойлолтын стандартад тохирсон байх ёстой:
  - (i) ICAO-гийн Хавсралт 10, Volume I, section 3.5.3.6.3-д заасан дохиологчийн кодыг таних сигналыг нэгээс доошгүй дамжуулдаг байх ба, гэхдээ ижил зайтай кодын групптэй, 40 секунд тутамд хоёроос дээшгүй удаа дамжуулдаг ёстой байх;
  - (ii) DME-нисэхийн байгууламж бүрийн хувьд, ICAO-гийн Хавсралт 10, Volume I, section 3.5.3.6.3-д зөвлөсөн хяналтын ажиллагаа нь заавал мөрдөх техникийн тодорхойлолтын шаардлага байх;
- (3) НХНУ-ний байгууллагын гэрчилгээ эзэмшигчийн Ерөнхий зааварт заасан радио навигацийн туслах хэрэгсэл бүр нь дараах аль нэг нөхцөл үүссэн тохиолдолд, тухайн нисэхийн байгууламжийг ашиглалтаас гаргах ба анхааруулах дохиог холбогдох хяналтын цэгт дамжуулах хяналтын системээр хангагдсан байх ёстой:
  - (i) навигацийн мэдээлэл нь тухайн байгууламжид тогтоосон зөвшөөрөгдөх зөрүүний хэмжээнээс хэтэрсэн;
  - (ii) дохио таньж тогтоох систем татгалзах;
  - (iii) хяналтын систем татгалзах.

## Е Бүлэг - Шилжилтийн зохицуулалт

### 171.251. Нисэхийн холбоо, навигацийн үйлчилгээний байгууллагын гэрчилгээ эзэмшигч болон хүсэлт гаргагчийн шилжилт

- (a) Энэ зүйл нь дараах этгээдэд хамаарна:
- (1) НХНҮ-ний байгууллагын гэрчилгээ эзэмшигч;
  - (2) НХНҮ-ний байгууллагын гэрчилгээ эзэмших хүсэлт гаргагч.
- (b) Энэ зүйлд хамаарах байгууллага нь энэ зүйлийн (e)(2)-ын дагуу тогтоосон хэрэгжүүлэлтийн хугацаанаас өмнө дараах заалтыг мөрдөхгүй байж болно:
- (1) 171.51(a)(2)(ii), хэрэв байгууллага нь аюулгүй байдлын удирдлагын тогтолцоо хариуцсан удирдах ажилтны оронд дотоод чанар баталгаажуулалт хариуцсан удирдах ажилтантай бол;
  - (2) 171.73, хэрэв байгууллага нь аюулгүй байдлын удирдлагын тогтолцоог бүрдүүлэх, хэрэгжүүлэх болон мөрдөхийн оронд 171.253-ыг хангасан дотоод чанар баталгаажуулалтын тогтолцоог бүрдүүлсэн бол;
  - (3) 171.77(a)(1A)(i)-ийг;
  - (4) 171.77(a)(3)(ii)-ыг;
  - (5) 171.77(a)(5A)-г.
- (c) НХНҮ-ний байгууллагын гэрчилгээ эзэмшигч болон НХНҮ-ний байгууллагын гэрчилгээ эзэмших хүсэлт гаргагч нь гүйцэд бөглөсөн САА маягт болон хэрэгжүүлэлтийн төлөвлөгөөг 2020 оны 2 сарын 1-нээс өмнө Даргад хүргүүлэх үүрэгтэй.
- (d) Энэ зүйлийн (c)-д заасан хэрэгжүүлэлтийн төлөвлөгөө нь дараах шаардлага хангах ёстой:
- (1) аюулгүй байдлын удирдлагын тогтолцооны хэрэгжүүлэлтийн санал болгосон хугацааг багтаасан байх;
  - (2) тухайн байгууллага 171.73-ын дагуу шаардсан аюулгүй байдлын удирдлагын тогтолцоог хэрхэн хэрэгжүүлэх төлөвлөгөөг дүрслэн харуулсан байх.
- (e) Хэрэв хүлээн зөвшөөрөхүйц бол, Дарга:
- (1) тухайн байгууллагын хэрэгжүүлэлтийн төлөвлөгөөг батална;
  - (2) аюулгүй байдлын удирдлагын тогтолцооны хэрэгжүүлэлтийн хугацааг тогтооно.
- (f) Энэ зүйлийн (e)(2)-ын дагуу хугацааг тогтоохдоо, Дарга дараах нөхцөлийг тооцох үүрэгтэй:
- (1) тухайн байгууллагын хүчин чадал;
  - (2) тухайн байгууллагын төвөгшил;
  - (3) байгууллагын үйл ажиллагаанд оршиж байгаа эрсдэл;
  - (4) гэрчилгээг сунгах хугацаа;
  - (5) тухайн байгууллага, эсхүл ИНЕГ, эсхүл хоёуланд нь хамаарах эх үүсвэр, эсхүл хуваарийн нөлөө;
  - (6) хэрэгжүүлэлтийн хугацаа нь 2021 оны 2 сарын 1-нээс хойш байж болохгүй.

(g) Энэ зүйлийн (a)(1)-ийн дагуу НХНҮ-ний байгууллагын гэрчилгээ эзэмшигч нь гэрчилгээ сунгуулах хүсэлтэд хэрэгжүүлэлтийн төлөвлөгөөг хавсаргахгүй байж болно.

(h) Энэ зүйл нь 2021 оны 2 сарын 1-нд хүчингүй болно.

**171.253. Нисэхийн холбоо, навигацийн үйлчилгээний байгууллагын гэрчилгээ эзэмшигч болон хүсэлт гаргагчийн шилжилтийн дотоод чанар баталгаажуулалт**

(a) Энэ Дүрмээр шаардсан журам нь дүрмийн шаардлага хангасан ба тухайн байгууллага түүнийг хэрэгжүүлж байгааг бататгах зорилгоор 171.251(b)(1)(ii)-т шаардсан дотоод чанар баталгаажуулалтын тогтолцоог бүрдүүлэх үүрэгтэй.

(b) Дотоод чанар баталгаажуулалтын тогтолцоо нь дараах шаардлагыг багтаах ёстой:

- (1) 171.69-д шаардсан байгууламжийн доголдлын зөрчлийг шинжлэн шалгах журмыг багтаасан аюулгүй байдлын бодлого болон аюулгүй байдлын бодлогын журам;
- (2) тухайн дотоод чанар баталгаажуулалтын тогтолцоонд оршин байгаа хүндрэлтэй асуудал, эсхүл хүндрэлтэй асуудлын боломжит шалтгааныг тогтоох зорилгоор төхөөрөмжийн хангамж, доголдол, алдаа болон ажилтан, үйлчлүүлэгчийн санал хүсэлтийг багтаасан чанарын үзүүлэлтэд мониторинг хийдэг байхыг бататгах журам;
- (3) дотоод чанар баталгаажуулалтын тогтолцооны хүрээнд илрүүлсэн хүндрэлтэй асуудлыг залруулсан болохыг бататгах залруулах арга хэмжээний журам;
- (4) дотоод чанар баталгаажуулалтын тогтолцооны хүрээнд илрүүлсэн хүндрэлтэй асуудлын боломжит шалтгааныг арилгасан болохыг бататгах урьдчилан сэргийлэх арга хэмжээний журам;
- (5) хүсэлт гаргагчийн Ерөнхий зааврын журмын нийцлийг бататгах болон аюулгүй байдлын бодлогод тогтоосон зорилтод хүргэх хүсэлт гаргагчийн байгууллагын дотоод аудитын хөтөлбөр;
- (6) энэ Дүрмийн шаардлагыг хангасан дотоод чанар баталгаажуулалтын тогтолцооны байнгын тохиромжтой болон үр дүнтэй байдлыг бататгах, хэрэв тохирч байгаа бол, статистикийн дүн шинжилгээ ашиглахыг багтаасан удирдлагын дүгнэлт хийх журам.



(с) Энэ зүйлийн (b)(3)-ын дагуу шаардсан залруулах арга хэмжээний журамд дараах үйл ажиллагааг хэрхэн хийхийг заасан байх ёстой:

- (1) оршиж байгаа чанарын хүндрэлтэй асуудлыг залруулах;
- (2) тухайн арга хэмжээний үр дүнг бататгах залруулах арга хэмжээг эргэн хянах;
- (3) залруулах арга хэмжээний үр дүнд үндэслэн энэ Дүрмээр шаардсан журамд нэмэлт өөрчлөлт оруулах;
- (4) авсан залруулах арга хэмжээний үр дүнг удирдлага дүгнэх.

(d) Энэ зүйлийн (b)(4)-ийн дагуу шаардсан урьдчилан сэргийлэх арга хэмжээний журамд дараах үйл ажиллагааг хэрхэн хийхийг заасан байх ёстой:

- (1) боломжит чанарын хүндрэлтэй асуудлыг залруулах;
- (2) тухайн арга хэмжээний үр дүнг бататгах урьдчилан сэргийлэх арга хэмжээг эргэн хянах;
- (3) урьдчилан сэргийлэх арга хэмжээний үр дүнд үндэслэн энэ Дүрмээр шаардсан журамд нэмэлт өөрчлөлт оруулах;
- (4) авсан урьдчилан сэргийлэх арга хэмжээний үр дүнг удирдлага дүгнэх.

(e) Энэ зүйлийн (b)(5)-ын дагуу шаардсан дотоод аудитын хөтөлбөр нь дараах шаардлагыг хангасан байх ёстой:

- (1) аудит хийх үйл ажиллагааны шинж чанарыг тооцож аудит хийх байрлал болон давтамжийг тодорхойлох;
- (2) аудит хийгдсэн тухайн ажиллагааг сүүлийн аудитаас хойш хариуцсан ажилтны авсан урьдчилан сэргийлэх, эсхүл залруулах арга хэмжээний үр дүнг тооцож үзэх;
- (3) хэрэв аудитаар хүндрэлтэй асуудал илэрсэн бол аудит хийгдсэн ажиллагааг хариуцсан ажилтнаас урьдчилан сэргийлэх, эсхүл залруулах арга хэмжээ авахыг шаардах.

(f) Энэ зүйлийн (b)(6)-гийн дагуу шаардсан удирдлагын дүгнэлт хийх журам нь:

- (1) тухайн тогтолцооны байнгын үр дүнтэй байх хэрэгцээ шаардлагыг үндэслэн дотоод чанар баталгаажуулалтын тогтолцоонд удирдлагын дүгнэлт хийх давтамжийг тодорхойлох;
- (2) энэ зүйлийн (f)(1)-д заасан удирдлагын дүгнэлт хийх хариуцлага хүлээсэн удирдах ажилтныг тодорхойлох;

(g) Дотоод чанар баталгаажуулалтын тогтолцоо хариуцсан удирдах ажилтан нь дараах үүрэгтэй:

- (1) тухайн НХНҮ-ний гэрчилгээ эзэмшигчийн байгууллагын бүх түвшинд тухайн аюулгүй байдлын бодлого болон аюулгүй байдлын бодлогын журмыг ойлгож, хэрэгжүүлж, мөрдөж байгааг бататгах;
- (2) аудитыг тухайн үйл ажиллагаанд шууд хариуцлага хүлээдэггүй, сургалтад хамрагдсан аудитын ажилтан гүйцэтгэдэг болохыг бататгах;
- (3) аудитын үр дүнг, аудит хийгдсэн ажиллагааг хариуцсан ажилтанд мэдээлдэг болохыг бататгах;
- (4) авсан урьдчилан сэргийлэх, эсхүл залруулах бүх арга хэмжээний үр дүнд дүгнэлт хийх зорилгоор эргэн хянах аудит хийдэг болохыг бататгах;

- (5) тухайн удирдлагын дүгнэлтийн үр дүнг дүгнэж, бүртгэл хөтөлдөг болохыг бататгах;
  - (6) НХНҮ-ний байгууллагын гэрчилгээний эрхийн хүрээнд ажиллаж байгаа байгууламжийн бүрэн бүтэн байдалд нөлөөлж байгаа асуудлаар Гүйцэтгэх захиралтай шууд харьцах эрхтэй байх.
- (h) Энэ зүйл нь 2021 оны 2 сарын 1-нд хүчингүй болно.

--oOo--